

պէտ Յոյնք լռեալ էին խորտակեալ և ընկճեալ 'ի զօրութեանէ , այլ Լատինք զօրաւոր յոյժ , զի 'ի սոյն աւուրս դարձեալ էին ճոխ նուիրակունք նոցին , և վրդովեալ անկան այս եւ անդր . գրեցին առ Բդեշխս Գամասկոսի եւ Աքքէի շրջել գրանն 'ի կամս իւրեանց եւ տալ խափանել զհրովարտակն , հանին և յատուկ սուրհանդակ 'ի Կոստանդինուպօլիս , զի այլ և այլ պատճառանօք հնարս գտցեն հակառակելոյ Հայոց , թէպէտ նոքա զգուշանային 'ի Գուռն : Եւ Պօղոս եպիսկոպոս ոչ երկնչէր 'ի շարժմանէ սոցա , այլ խորհէր . զի այս անակնունելի դործ բազում զբրամոց պէտս ունէր , զի այլապէիք ոչ այլ ինչ գիտէին , բայց միայն դրամ եւ զամենայն ինչ առնէին ըստ կամաց իւրեանց իբր համաձայն օրինաց Շէրիի , այլ արծաթն դիւրաւ շրջէր զմիտս նոցա , զի բարւոք գիտէին թէ վանականք երուսաղէմի , բաց 'ի Հայոց , զմիմեանս խորտակել եւ նուաճել ջանային , մանաւանդ Լատինք , որ հնարիւք պատրաստեալ էին կեզծ և շինծու Հէօճճէթս վասն դրան Բեթղէնէմի , որ 'ի ժամանակի փակման նորին ոչ կարացին մատուցանել , այժմ իբրև գտեալ զայն , պատրաստեալ են 'ի վէճ և բանալ զգուռն , զի յաւուրց անտի փակելոյ զհետ մտեալ անդադար աշխատէին , մանաւանդ յայսսսիկ յերկուս ամս 'ի գալստեան Բդեշխից , պնդէին թէ դուռն այն ոչ է նորասահման , այլ հրամանաւ , ցուցանելով զգտեալ գիրն եւ ստիպէին բանալ զայն : Նմին իրի գրեաց Պօղոս առ Զաքարիա վարդապետ , հանել հրովարտակ ըստ վրճուոյ Դենպետին , զի 'ի մատուցանել Լատինաց հին կամ նոր գրեանս , անընդունելի լիցի , գիր և պատուէր առ Գատուորն , զի մի ունկն գիցէ բանից Լատինաց , զի անհամար գումարս դրամոց վատնեալ էին Հայք վասն այնր : Պօղոս եպիսկոպոս երկնչէր , գուցէ 'ի ժամանել հրովարտակին միայն պատարագելոյ հրաման տացեն , և զինդիր բաժանորդութեան երկարեսցեն , որոյ վասն գրեաց ցուցակ ինչ առ Զաքարիա , այլ ոչ օգնէր այն առանց Իլամի և Հէօճճէթի , զորոց ունիմք գրել զինի , զի Գերեզմանն Քրիստոսի իբր միայն Լատինաց յատկացեալ էր և նոքա եղեալ էին պատկեր , ապա կխարաժին եղեն ընդ Յունաց , այժմ հարկ էր լինել երեք բաժին , Հուսկ ուրեմն հասին գրեանքն 'ի Գա-